



UNIVERSITÄTS-
BIBLIOTHEK
PADERBORN

Davidis Regii Prophetae Psalterium

Moritz <Hessen, Landgraf>

Smalcaldiae, 1593

VD16 B 3258

Psalmvs XCVIII. Cantate Domino canticum nouum, quia &c.

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

*Gaudia vera pios nec moritura beent.
In Domino iusti latentur, & ocia ducant,
Gratificaq; eius nomina laude colant.*

PSALMVS XCVIII.

*Cantate Domino canticum nouum,
quia &c.*

*Psallite magnifico, noua carmina dicite Regi,
Qui, quacunq; facit, non nisi mira facit.
Vindice qui dextra deuicto extollitur hoste,
Robore diuino brachia sancta mouens.
Latificam populis notam facit esse salutem,
Scire suam gentes iusticiamq; facit.
Fæderis ille memor pacti cum patre Iacobo,
Omnia regna fidem vult memorare suam.
Indigena mundi, Domino exultate potenti:
Laudibus & cantu concelebrate Deum.
Psallite grata Deo, citharaq; chelyq; tubaq;
Dulcisonis Regi iubila ferte modis.
Perstrepat Oceanus regi huic, et quicquid in illo
Terraq; non sileat, semine leta suo. (est,
Exultent montes, & ouantia flumina plaudant,
Iam veniente Deo ad iudicis officium.*

Bb 2

Ipsē

*Ipse Iehoua venit, terras ut iudicet & quis
Legibus, immota iusticiaq; regat.*

PSALMVS XCIX.

Dominus regnauit, irascantur &c.

E*Sto, fremant populi, furor armifer occupet
omnes:*

*Cum Dominus noster Rex sit et armipotens.
Terra tremat concussa metu fundamine ab imo,
Cum Cherubin Dominus maximus insideat.
Inclytus est Dominus per mœnia celsa Sionis,
Illius & populi robora magna timent.
Laudibus extollant magnum & mirabile nomen,
Quo non est sanctum nomen in orbe magis.
Hoc sub rege vigent leges, ius deniq; & æquum,
Iusticiam tribuit, iudiciumq; Jacob.
Hunc igitur Dominum merito celebretis honore,
Offerat huic flexo poplite quisq; preces.
Legifer hunc Moses coluit cum fratre Aarone,
Cum foret à sacris clarus uterq; Dei.
At Samuel quoties Dominum fido ore rogauit,
Comperit ardentes pondus habere preces.
Nube sua tectus Deus his sua iussa ferebat,*

Quæ